

CLARISSIMIS IN AVGVSTA FRANCORVM CVRIA

TRIVMVIRIS REGIIS, SACRIQVE CONSILII ASSESSORIBVS
FRANCISCVS ELLAIN S. P. D.

307

GLADIATORES emeriti, & rude donati olim arma sua consecrabant Herculi, qui ipsis, & Athletis omnibus præfse dicebatur. Nos huius biennis militia vacationem propediem deprecaturi & impetraturi, (si Imperatoribus, laborum nostrorum aqvis æstimatoriibus, & legitimis iudicibus ita videbitur) postremi certaminis arma vobis suspendimus, Hippocraticæ familiæ præsidibus, & conseruatoribus. Quibus authoribus & possulantibus Senatus salutis mentisque publicæ Princeps labenti, & barbarorum imperiorumque iniuriâ propè cadenti Medicinæ Architectonica spiritum, sanguinem, & pristinum nitorem restituit. Cuius beneficij memoriâ sempiternâ addictam, deditam, obstrictam non solum medicorum scholam, sed vniuersam Galliam vobis habebitis. Saluete fauete, Viri Clarissimi.

AD CARDINALITIAM QVAESTIO MEDICA MATVTINIS EXCVTIENDA DISPVATIONI- BVS IN SCHOLIS MEDICORVM DIE IOVIS XVI. MARTII CLARISSIMO VIRO D. GVILLELMO LVSSON MEDICO REGIO, MODERATORE PRVDENTISSIMO.

An à tribus externa?

MORBI quidam interni, quidam externi: causæ quoque & remedia. Internos externosque morbos externæ causæ faciunt, fouent internæ, con-
iunctæ præsertim, eadem ac continentes. Remedia interna internis externisque morbis æquè auxiliantur, & externæ vtrisque. Remediorum quali-
tatem, quantitatem, & cæteras condiciones, quæ ad vtendi modum pertinent, definit ars vna, eadèque architectonica, quæ medicina nomina-
tur. Materiam ministrant innumera artes aliæ: præcipuæ sunt ex his pharmacica, & chirurgia: vtraque medicinæ necessaria, & sic addicta, ac
mancipata, vt sine medicinæ magisterio, illa venefica, hæc ipsa etiam carnificina censeat.

PHARMACEVTICA materia non angusto apothecæ spacio, & narthecio concluditur, sed ex amplissimo naturæ sinu depromitur:
ex plantis, animalibus, metallicis, terrenisque corporibus. In his deligendis, præparandis, & miscendis pro vario medici scopo phar-
macia consistit: chirurgica verò materia manus est, & quæ ad manum sunt, instrumenta. Manum instruit chirurgia, & cætera instru-
menta instructa habet ad iussum, scopumque medici, vt promptè, iucundè, eleganter opereatur.

SOPVS medici, in externorum remediorum vsu, est morbi morbificæque causæ ablatio: ea fit medicamentis, & clementioribus remediis, quæ cor-
poris naturam sensim alterant, & minùs terrificis, vt laqueis, fasciis, ferulis, spleniis, cucurbitulis. Quibus si nihil proficitur, progredi oportet ad
æuiora, vt ferramenta. Et sic a morbum non auferunt, crudelissimus ignis adhibetur, sed efficacissimus. Inexpugnabilis morbus, qui istorum reme-
diorum vires eluserit. Cancer ante pubertatem insolens, nec medicamento, nec sectione, nec vstione percuratur. Strumæ tamen pharmaco, ferro,
igne indomitæ, Christianissimi Regis contactu euanescent.

HVMORIS morbifici affluxus repellentibus cedit, aut fasciis infernè sursum obductis. Iam illapsus vacuatur resoluentibus, emollien-
tibus, attenuantibus, suppurantibus, quæ plerumque sunt frigida. Alioquin exulcerante medicamento ei datur exitus. Si pus aliùs
delitescit, scalpellus adigitur ad simplicem sectionem, vel multiplicem, quæ περὶ τοῦ ποταμοῦ dicitur, vstioni præferenda, nisi maligni-
tas subfit. Concretus humor in oculo, acu solà deprimitur, resolui nequit medicamentis οὐδὲ περὶ τοῦ ποταμοῦ, quæ per se nulla sunt. Σαρκομήνη
curatur excisione testiculorum: qui in maribus, exactâ pubertate, nisi appareant, virilis & coniugalis officij spem omnem adimunt, voce, pilo, &
corporis reliqui habitu virili fallacem.

CALCVLVVS in vesicâ (qui à quadagesimo secundo anno ad sexagesimum tertium, non enascitur, vt neque strumæ) nullis lithontripticis fran-
gitur, ferramentis solis extrahitur in omni sexu, tempore, ætate: in feminis, & autumno securius: pueris quidem minore apparatu instrumen-
torum, maiore verò & apparatu, & periculo, viris & adultis. In his scilicet, præter scalpellum & vncum, ductores & forcipes requiruntur. Gangrænâ
vel Sphacelo pars obfessa nullâ antidoto seruatur: recidenda cultro falcato, & serrulâ diuidendis ossibus idoneâ. Post amputatum membrum, san-
guinis inde manantis profluuium, emplasticis medicamentis, & vasorum deligationibus, compescendum potius, quàm ferramentis ignitis. Vstioni
in plerisque aliis locus est, quæ vel à caustico medicamento fit, vel ab igne. Huius actio celerior, salubrior, securior. Mala medicina, in quâ natu-
ræ aliquid perit, sed ad reliqui corporis conseruationem plerumque vsurpanda.

Ergo à tribus externa.

PONEBAT FRANCISCVS ELLAIN PARISINVS, ANNO 1600.

